

8. Եթէ ուէ պատճառով նախարար մը պակսի, իր յաջորդը կը նշանակուի միւսնոյն հատուածէն և հոսանքէն և միւսնոյն եղանակով, որով նշանակած էր պակսող անդամը:

9. Նախարարական խորհուրդի անդամներուն մէջ Դաշնակցական հասանքի պատկանող կէս մասը կը նշանակուի ներկայ Խորհրդարանի մէջ մեծամասնութիւն կազմող նոյն կուսակցութեան բաժինէն (fraction), կամ ուրիշ ուէ պատասխանատու մարմինէ մը՝ թէ արեւելահայ և թէ արեւմտահայ դաշնակցական նախարարներու վերաբերմամբ. զարով միւս կէսը կազմող մասին՝ անոնցմէ արեւմտահայ նախարարները կը ներկայացուն Ազգային Պատուիրակութեան կողմէ և արեւելահայ նախարարները՝ Ժողովրդական կուսակցութեան պատասխանատու մարմինին կողմէ:

10. Նախարարական խորհուրդը արտաքին թէ ներքին քաղաքականութեան վերաբերեալ և բացառիկ կարեւորութիւն ունեցող որոշումներ տալու ժամանակ — ինչպէս պատերազմի յայտարարութիւն և հաշտութեան կնքում, խորհրդարանական ընտրութիւններ, ընկերային բարենորոգումներ և այլն — կը փնտռէ բոլոր անդամներու թիւին վրա 7-ի, եթէ 9 է այդ թիւը, և 10-ի, եթէ 13 է, մեծամասնութիւնը:

11. Եթէ նախարարական խորհուրդը պէտք ունենայ հրահանգներ տալու Պատուիրակութեան, այդ հրահանգները քէտրուած կը համարուին միայն այն ժամանակ, երբ նախարարներու երկու-երրորդը միաբանած են որոշման վրա: Այս պարագային կը ղեմելի նաև արտասահման կամ այլուր բացակայ գտնուող վարչապետին և ուրիշ նախարարներու ձայնին:

Բ. Պատուիրակութիւն. — 1. Ամբողջական Հայաստանի միացեալ կառավարութիւնը կունենայ միակ Պատուիրակութիւն մը, որ կը ներկայացնէ հայ ազգը Սաղազութեան Համաժողովին մօտ:

2. Պատուիրակութիւնը կը բաղկանայ 7 անդամէ, որոնց 4-ը արեւմտահայ և 3-ը արեւելահայ:

3. Պատուիրակութեան նախագահն է Հանրապետութեան կառավարութեան վարչապետը:

4. Պատուիրակութեան կազմին մէջ՝ մէկ կողմէ Դաշնակցական կուսակցութիւնը և միւս կողմէ՝ ոչ-դաշնակցականները ներկայացուած կըլլան հաւասար թելով, այսինքն՝ 3 առ 3. նախագահ վարչապետը, իբրև անկուսակցական զուրս կը մնայ ուժերու այս յարաբերութենէն:

5. Պատուիրակութիւնը, նման կառավարութեան, կը մնայ անփոփոխելի մինչև Ամբողջական Հայաստանի Խորհրդարանի գումարումը: Անդամներու պակասման պարագային՝ անոնց յաջորդները կորոշուին նոյն հատուածէն և հոսանքէն և նոյն եղանակով, ինչպէս եղած էր պակսած անդամին համար:

6. Պատուիրակութեան արեւմտահայ անդամները կառուին Արեւմտահայ Ազգային Համագումարին կողմէ ընտրուած ներկայ Ազգային Պատուիրակութեան անդամներու մէջէն՝ պահելով հոն ներկայացուած հոսանքներուն համեմատութիւնը. այն է՝ 2 ոչ-դաշնակցական և մի դաշնակցական. ի փոխարէն 3 արեւելահայ անդամները կորոշուին Հանրապետութեան ներկայ Խորհրդարանի կողմէ. այսպէս՝ 2 դաշնակցական և մի ժողովրդական. — սոյն վերջինը կընտրուի և ցոյց կը տրուի Ժողովրդական կուսակցութեան պատասխանատու մարմինին կողմէ: